

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), na prijedlog ministra Ministarstva za rad, socijalnu politiku i izbjeglice, Vlada Zeničko-dobojskog kantona, na 37. sjednici, održanoj dana 28.09.2023. godine, d o n o s i

ZAKLJUČAK

I.

Daje se saglasnost na Program obilježavanja „Dječije nedjelje“ u Zeničko-dobojskom kantonu za 2023. godinu koji čini sastavni dio ovog zaključka.

II.

Zadužuju se Ministarstvo za rad, socijalnu politiku i izbjeglice, kao pokrovitelj aktivnosti i Udruženje građana „Naš most“ Zenica, kao nosilac aktivnosti, da u skladu sa zakonom i podzakonskim aktima, realizuju aktivnosti iz Programa iz tačke I. ovog zaključka, svako u okviru svojih nadležnosti.

III.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 28.09.2023. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Udruženju građana „Naš most“ Zenica, putem Ministarstva,

1x a/a.

Na osnovu člana 135. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15, 2/16 i 16/22) i Programa utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine i broj: 02-11-11924/23 od 26.07.2023. godine, a nakon okončane procedure po Javnom pozivu za odabir programa za organizaciju centralne manifestacije posvećene obilježavanju dana „Dječija nedjelja“ za 2023. godinu, ministar Ministarstva za rad, socijalnu politiku i izbjeglice, d o n o s i

P R O G R A M **obilježavanja „Dječije nedjelje“ u Zeničko-dobojskom kantonu** **za 2023. godinu**

I. Uvodne napomene

Zakonom o osnovama socijalne zaštite, zaštite civilnih žrtava rata i zaštite porodice sa djecom, član 94. - 96. („Službene novine Federacije BiH“, broj: 36/99, 54/04, 39/06, 14/09, 45/16 i 40/18) i članom 134. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15, 2/16 i 16/22, u daljem tekstu: Kantonalni zakon) prva sedmica u mjesecu oktobru je određena kao „Dječija nedjelja“ na teritoriji Federacije BiH.

S tim u vezi Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine i broj: 02-11-11924/23 od 26.07.2023. godine, na poziciji budžeta „Tekući transfer iz prihoda za obilježavanje Dječije nedjelje“, planirana su sredstava u iznosu od 15.000,00 KM.

S obzirom da je Pravilnikom propisano da će biti finansiran program za organizaciju centralne manifestacije posvećene obilježavanju dana „Dječija nedjelja“ koji nakon ocjenjivanja bude imao najveći broj bodova, Komisija je predložila program Udruženja građana „Naš most“ Zenica. U skladu sa navedenom procedurom odabira programa i članom 135. Kantonalnog zakona, ministar Ministarstva za rad, socijalnu politiku i izbjeglice donosi Program obilježavanja „Dječije nedjelje“ u Zeničko-dobojskom kantonu za 2023. godinu

II. Program obilježavanja „Dječije nedjelje“

Na području Zeničko-dobojskog kantona „Dječija nedjelja“ će se obilježiti organizovanjem i provođenjem planiranih programskih aktivnost za obilježavanje „Dječije nedjelje“ u Zeničko-dobojskom kantonu u okviru centralne manifestacije pod nazivom:

Naziv programa: „Sedmica dječijeg stvaralaštva“

Vrijeme: od 01. do 07. oktobar 2023. godine

Nosilac aktivnosti: Udruženje građana „Naš most“ Zenica

Pokrovitelj: Ministarstvo za rad, socijalnu politiku i izbjeglice

Odobrena sredstva: 15.000,00 KM

Opis aktivnosti: Djeca iz obdaništa i učenici osnovnih škola u Zenici moći će zajedno sa zeničkim umjetnicima slikati različitim tradicionalnim, ali i novim tehnikama slikanja. Ove radionice će dati priliku djeci da istraže svoju kreativnost i zraze svoje ideje kroz umjetnost. Tokom radionice djeca će imati priliku napraviti svoje prve poteze peglom i voskom. Ova inovativna aktivnost omogućiti će djeci da eksperimentišu sa novim tehnikama slikanja.

Djeca će na inovativan način sa pristupačnim i ekološki neškodljivim materijalima raditi na zajedničkom projektu izrade cvjetnog ćilima na ulici u pješačkoj zoni, koji će se u segmentima raditi po vrtićima i školama i mozaično slagati na ulici.

Svečano otvorenje izložbe održati će se u oktobru 2023. godine u galeriji Udruženja građana „Naš most“ Zenica, u prostoru Art kvarta i prostoru pješačke zone ul. Maršala Tita br. 22. Predviđeno je učešće 30 slikara, 50-200 djece direktnih učesnika, te 200-500 djece indirektnih učesnika, kao i 500-1000 posjetitelja.

Izložba će prikazati radove istaknutih slikara i djece, što će dati priliku mladim talentima da budu prepoznati i cijenjeni.

Ukupna vrijednost programa iznosi 17.500,00 KM, od čega je 15.000,00 KM odobreno od strane Ministarstva za rad, socijalnu politiku i izbjeglice, dok je 2.500,00 KM osigurano iz donacija u partnerstvu sa: Udruženje građana „Naš most“ Zenica, UG „Zvijezda“, UG „Budimo prijatelji“, UG „Lotos“, obdaništa i osnovne škole, RTV Zenica, Radio active.

III. Završne odredbe

Program obilježavanja „Dječije nedjelje“ u Zeničko-dobojskom kantonu objavit će se na službenoj web stranici Zeničko-dobojskog kantona (www.zdk.ba).

MINISTAR

Broj: 09-31-12036-6/23
Zenica, 25.09.2023.godine

Zlatko Jelić